

# **Нур-Султон шаҳридан махсус хабар: Муфтий Нуридин домла ҳазратлари халқаро анжуманда қатнашиш учун етиб келдилар**



**НУР-СУЛТОН ШАҲРИДАН  
МАХСУС ХАБАР:  
Муфтий Нуридин домла  
ҳазратлари халқаро  
анжуманда қатнашиш  
учун етиб келдилар**

11:39 / 25.11.2021 1222

2021 йил 25 ноябрь куни Ўзбекистон мусулмонлари идораси раиси, муфтий Нуридин домла ҳазратлари Қозоғистонда ўтказиладиган “Мустақил Қозоғистон ва Ислом қадриятлари” номли халқаро илмий-амалий конференцияда иштирок этиш учун Нур-Султон шаҳрига етиб келдилар. Муфтий ҳазратларини Қозоғистон муфтийиси ноibi Сансишибай домла Қурбонов, Чимкент бош имом-хатиби Бакдаулет домла Абдираҳманов, Чимкент ноиб имоми Бекайдар Кимбатовлар кутиб олишди.

Бугун куннинг биринчи ярмида Муфтий Нуридин домла ҳазратлари Қозоғистон мусулмонлари идораси раиси, бош муфтий, Наврўзбай ҳожи Тағанули жаноблари билан ўзаро мулоқот ўтказишлари режа қилинган. Куннинг иккинчи ярмида эса Нур-Султон шаҳрида жойлашган “Rixos

President” меҳмонхонасида “Мустақил Қозоғистон ва Ислом қадриятлари” номли халқаро илмий-амалий конференцияда иштирок этиб, нутқ сўзлашлари кутилмоқда.

Эслатиб ўтамиз, ушбу нуфузли тадбирда Россия Федерацияси мусулмонлари диний идораси раиси, муфтий Шайх Равил Гайнутдин, Россия мусулмонлари Марказий диний идораси раиси, Шайх-ул Ислом, муфтий Талгат Сафо Тажуддин, Қирғизистон мусулмонлари идораси раиси, муфтий Замир ҳожи Рақиев, Тожикистон ислом маркази раиси, муфтий Сайдмукаррам Абдуқодирзода ҳазратлари, Мўғилистон мусулмон ташкилотлари иттифоқи раиси Ҳадис Ботирбек ҳожи, Қозоғистондаги “Нур-Муборак” Миср ислом маданияти университети ректори Муҳаммад аш-Шаҳҳат ал-Жиндий сингари Ислом оламининг мартабали уламолари, муфтийлари, эксперtlари ва маҳаллий йирик дин пешволари қатнашиши кўзда тутилган.